



Sps „marabda-karwaxis rkinigza“

„MARABDA-KARTSAKHI RAILWAY“ LLC

გამარტივებული ელექტრონული ტენდერი

**ავტომობილების რეცხვის და ქიმიური წმენდის
მომსახურების შესყიდვა**

CPVკოდი:

50112300 - „მანქანის რეცხვა და მსგავსი მომსახურებები“

სავარაუდო ღირებულება – 9 000 ლარი დღგ-ს ჩათვლით

ს ა ტ ე ნ დ ე რ ო დ ო კ უ მ ე ნ ტ ა ც ი ა

საკონტაქტო პირი:

მაკა ჟუჟუნაშვილი: მობ: 591-19-91-91 e-mail: mzhuzhunashvili@mkr.ge

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონისა და სსიპ „სახელმწიფო შესყიდვების სააგენტოს“ თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ საფუძველზე.

ს ა რ ზ ე ვ ი

I	შესყიდვის ობიექტი და სავარაუდო ღირებულება	3 გვ.
II	ტექნიკური დავალება	3 გვ.
III	ძირითადი მოთხოვნები პრეტენდენტის მიმართ	4 გვ.
IV	სისტემაში ასატვირთი ტექნიკური დოკუმენტაცია	4 გვ.
V	მომსახურების გაწევის ვადა და ადგილი	4 გვ.
VI	მომსახურების ხარისხი და გარანტია	4 გვ.
VII	ანგარიშსწორების ფორმა და პირობები	4 გვ.
VIII	ხარჯთაღრიცხვა / ფასების ცხრილი	5 გვ.
IX	მომსახურების გაწევისათვის განსაზღვრული სერვისცენტრების ჩამონათვალი	6 გვ.
X	დამატებითი ინფორმაცია	6 გვ.
XI	სახელმწიფო შესყიდვის შესახებ ხელშეკრულების პროექტი	7 გვ.
XII	აფიდავიტი	11 გვ.

მუხლი I. შესყიდვის ობიექტი და სავარაუდო ღირებულება

- 1.1 შესყიდვის ობიექტი: შპს „მარაბდა-კარწახის რკინიგზის“ კუთვნილი ავტომობილების რეცხვის და ქიმიური წმენდის მომსახურების შესყიდვა;
- 1.2 შესყიდვის ობიექტის სავარაუდო ღირებულება - **9 000 ლარი** დღგ-ს ჩათლით

მუხლი II. ტექნიკური დავალება

1. მიმწოდებელმა (ტენდერში გამარჯვებული პრეტენდენტი, რომელთანაც გაფორმდება სახელმწიფო შესყიდვის შესახებ ხელშეკრულება) ტალონური სისტემით უნდა უზრუნველყოს:
- დაბალი გამავლობის ავტომობილის (სედანის ტიპის) რეცხვის (ავტომობილის ძარა, სალონი და საბარგული) მომსახურების გაწევა - საორიენტაციო რაოდენობა 50-ჯერ;
 - მაღალი გამავლობის ავტომობილის (პიკაპისა და ჯიპის ტიპის) რეცხვის (ავტომობილის ძარა, სალონი და საბარგული) მომსახურების გაწევა - საორიენტაციო რაოდენობა 500-ჯერ;
 - მაღალი გამავლობის ავტომობილის (პიკაპისა და ჯიპის ტიპის) ქიმიური წმენდის (ავტომობილის სალონი და საბარგული) მომსახურების გაწევა - საორიენტაციო რაოდენობა 3-ჯერ.
- შენიშვნა:**
- შემსყიდველი არ არის ვალდებული შეისყიდოს წინამდებარე ტექნიკური დავალებით გათვალისწინებული მომსახურების სრული მოცულობა.
 - შემსყიდველის მოთხოვნის შემთხვევაში, ხელშეკრულების საორიენტაციო ღირებულების ფარგლებში უნდა შეიცვალოს ავტომობილების რეცხვის ან/და ქიმიური წმენდის მომსახურებების რაოდენობები.
2. მიმწოდებელმა წინამდებარე ტექნიკური დავალებით გათვალისწინებული მომსახურებების მიღებისათვის საჭირო ტალონების შემსყიდველისათვის გადაცემა უნდა უზრუნველყოს ხელშეკრულების გაფორმებიდან **2014 წლის 31 დეკემბრის ჩათვლით პერიოდში**, შემსყიდველის მოთხოვნის შესაბამისად - ეტაპობრივად ან ერთიანად (სრულად). ამასთან, მიმწოდებელმა მოთხოვნილი ტალონები შემსყიდველს უნდა გადასცეს მოთხოვნიდან არაუგვიანეს 10 კალენდარული დღის განმავლობაში.
3. შემსყიდველისათვის გადაცემულ ტალონზე დატანილი უნდა იყოს ავტომანქანის ტიპისა და მომსახურების სახეობის განმასხვავებელი ნიშანი, რომლის შესაბამისად მოხდება ავტომანქანის იდენტიფიკაცია შესაბამისი მომსახურების მიღების დროს.
4. შემსყიდველისათვის გადაცემული, წინამდებარე ტექნიკური დავალებით გათვალისწინებული მომსახურებების მიღებისათვის საჭირო ყველა ტალონი უნდა მოქმედებდეს უვადოდ (ტალონების მოქმედების ვადა არ უნდა იყოს დამოკიდებული მიმწოდებელსა და შემსყიდველს შორის გაფორმებული ხელშეკრულების მოქმედების ვადაზე). ამასთან მიმწოდებელს არ აქვს უფლება მოსთხოვოს შემსყიდველს ავტომანქანების რეცხვისა და ქიმიური წმენდის მომსახურების სრულად ათვისება.
5. შემსყიდველის წარმომადგენლის მიერ ტალონის მიმწოდებლის ნებისმიერ სერვისცენტრში წარდგენისას, მიმწოდებელმა დაუყონებლივ უნდა უზრუნველყოს ავტომობილის ძარის, სალონისა და საბარგულის რეცხვა, უკონტაქტო რეცხვისათვის საჭირო მაღალი წნევის სარეცხი აპარატურით, აგრეთვე მტვერსასრუტით, საჭირო ინვენტარით, სარეცხი და საწმენდი საშუალებებით.
6. მიმწოდებელს ქ. თბილისში, სხვადასხვა მისამართზე უნდა გააჩნდეს არანაკლებ 3 სერვისცენტრი, რომელთაგან სულ მცირე, ერთი მაინც უნდა მდებარეობდეს შპს „მარაბდა-კარწახის რკინიგზის“ ოფისიდან (ქ. თბილისი, დ. აღმაშენებლის გამზირი №150) არაუმეტეს 5 კილომეტრის მანძილზე.
7. მიმწოდებლის სულ მცირე ერთ სერვისცენტრში, რომელიც უნდა მდებარეობდეს ქ. თბილისში, შესაძლებელი უნდა იყოს ავტომობილის ქიმიური წმენდის მომსახურების გაწევა/მიღება. ამ სერვისცენტრში ქიმიური წმენდის მომსახურებისათვის განკუთვნილი ტალონის წარდგენისას, მიმწოდებელმა დაუყონებლივ უნდა უზრუნველყოს ავტომობილის სალონისა და საბარგულის ქიმიური წმენდა საჭირო ინვენტარით, ქიმიური, სარეცხი და საწმენდი საშუალებებით.
8. მომსახურების გაწევისათვის განსაზღვრული სერვის-ცენტრები უნდა წარმოადგენდეს მიმწოდებლის ან მისი სუბკონტრაქტორის (ასეთის არსებობის შემთხვევაში) საკუთრებას ან უნდა ფლობდეს დროებითი სარგებლობის უფლებით (ქირავნობა, იჯარა ან/და სამოქალაქო კოდექსით გათვალისწინებული სხვა ფორმით) არანაკლებ 2015 წლის 1 ივნისამდე ვადით.
9. მიმწოდებელმა ავტომობილების რეცხვა უნდა უზრუნველყოს კვირის ნებისმიერ დღეს, 9⁰⁰ - 21⁰⁰ საათამდე.
10. შემსყიდველის წარმომადგენლის (მძღოლი) სურვილის შემთხვევაში, მიმწოდებელი ვალდებულია დაასწროს იგი ავტომობილის რეცხვის/ქიმიური წმენდის პროცესს.
11. რეცხვისა/ქიმიური წმენდისას ავტომობილის დაზიანების შემთხვევაში, მიმწოდებელი ვალდებულია სრულად აუნაზღაუროს შემსყიდველს მისი შეკეთების ხარჯები.

მუხლი III. ძირითადი მოთხოვნები პრეტენდენტის მიმართ

3.1 პრეტენდენტს დამოუკიდებლად ან სუბკონტრაქტორთან (ასეთის არსებობის შემთხვევაში) ერთად ქ. თბილისში, სხვადასხვა მისამართზე უნდა გააჩნდეს არანაკლებ 3 სერვისცენტრი, რომელთაგან:

- 3.1.1 სულ მცირე, ერთი მაინც უნდა მდებარეობდეს შპს „მარაბდა-კარწახის რკინიგზის“ ოფისიდან (ქ. თბილისი, დ. აღმაშენებლის გამზირი №150) არაუმეტეს 5 კილომეტრის მანძილზე;
- 3.1.2 სულ მცირე ერთ სერვისცენტრში შესაძლებელი უნდა იყოს ავტომობილის ქიმიური წმენდის მომსახურების გაწვა/მიღება;

3.2 მომსახურების გაწევისათვის განსაზღვრული სერვის-ცენტრები უნდა წარმოადგენდეს პრეტენდენტის ან მისი სუბკონტრაქტორის (ასეთის არსებობის შემთხვევაში) საკუთრებას ან ფლობდეს დროებითი სარგებლობის უფლებით (ქირავნობა, იჯარა ან/და სამოქალაქო კოდექსით გათვალისწინებული სხვა ფორმით) არანაკლებ 2015 წლის 1 ივნისამდე ვადით.

მუხლი IV. სისტემაში ასატვირთი ტექნიკური დოკუმენტაცია

პრეტენდენტმა ტექნიკური დოკუმენტაციის სახით სისტემაში უნდა ატვირთოს შემდეგი დოკუმენტები და ინფორმაცია:

- 4.1 პრეტენდენტის საბანკო რეკვიზიტები, იურიდიული და ფაქტიური მისამართი, საკონტაქტო ტელეფონის ნომერი და ელექტრონული მისამართი;
- 4.2 სატენდერო დოკუმენტაციით გათვალისწინებული ფორმის - „VIII მუხლი“-ს შესაბამისად შევსებული ხარჯთაღრიცხვა/ფასების ცხრილი;
- 4.3 სატენდერო დოკუმენტაციით გათვალისწინებული ფორმის - „IX მუხლი“-ს შესაბამისად შევსებული მომსახურების გაწევისათვის განსაზღვრული სერვისცენტრების ჩამონათვალი.
- 4.4 მომსახურების გაწევისათვის განსაზღვრული სერვის-ცენტრების საკუთრების ან/და დროებითი სარგებლობის (ქირავნობა, იჯარა ან/და სხვა) უფლების დამადასტურებელი დოკუმენტ(ებ)ი. ამასთან დროებითი სარგებლობის უფლების ვადა უნდა იყოს არანაკლებ 2015 წლის 1 ივნისამდე.
- 4.5 სუბკონტრაქტორის არსებობის შემთხვევაში პრეტენდენტმა უნდა წარმოადგინოს სუბკონტრაქტორ(ებ)თან სამართლებრივი ურთიერთობის დოკუმენტ(ებ)ი (ხელშეკრულება, შეთხმევა ან სხვა ექვივალენტური დოკუმენტი).

მუხლი V. მომსახურების გაწევის ვადა და ადგილი

5.1 მომსახურების გაწევის ადგილია ქ. თბილისი.

5.2 მომსახურების გაწევის ვადა:

5.2.1 ტექნიკური დავალებით (მუხლი II) გათვალისწინებული მომსახურებების მიღებისათვის საჭირო ტალონების შემსყიდველისათვის გადაცემა უნდა განხორციელდეს ხელშეკრულების გაფორმებიდან არაუგვიანეს 2014 წლის 31 დეკემბრის ჩათვლით, შემსყიდველის მოთხოვნის შესაბამისად - ეტაპობრივად ან ერთიანად (სრულად);

5.2.2 შემსყიდველისათვის გადაცემული, წინამდებარე ტექნიკური დავალებით (მუხლი II) გათვალისწინებული მომსახურებების მიღებისათვის საჭირო ყველა ტალონი უნდა მოქმედებდეს უვადოდ (ტალონების მოქმედების ვადა არ უნდა იყოს დამოკიდებული მიმწოდებელსა და შემსყიდველს შორის გაფორმებული ხელშეკრულების მოქმედების ვადაზე).

მუხლი VI. მომსახურების ხარისხი და გარანტია

6.1 მიმწოდებელი პასუხისმგებელი უნდა იყოს მის მიერ გაწეული მომსახურების ხარისხზე.

6.2 რეცხვისას/ქიმიური წმენდისას ავტომობილის დაზიანების შემთხვევაში, მიმწოდებელი ვალდებულია სრულად აუნაზღაუროს შემსყიდველს მისი შეკეთების ხარჯები.

მუხლი VII. ანგარიშსწორების ფორმა და პირობები

7.1 წინასწარი ანგარიშსწორება არ გამოიყენება. ანაზღაურებას ექვემდებარება მხოლოდ მიმწოდებლის მიერ შემსყიდველისათვის ფაქტიურად გადაცემული ტალონების ღირებულება.

7.2 ანგარიშსწორების საფუძველს წარმოადგენს: მიმწოდებლის მიერ შემსყიდველისათვის ფაქტიურად გადაცემულ ტალონებზე მხარეთა მიერ გაფორმებული მიღება-ჩაბარების აქტ(ებ)ი და მიმწოდებლის მიერ შემსყიდველისათვის წარდგენილი საგადასახადო ანგარიშ-ფაქტურა(ები) (იმ შემთხვევაში, თუ მიმწოდებელი დღგ-ს გადამხდელია);

7.3 ანგარიშსწორება განხორციელდება მიმწოდებლის მიერ ამ მუხლის 7.2 პუნქტით გათვალისწინებული დოკუმენტების შემსყიდველისათვის წარდგენიდან 10 (ათი) საბანკო დღის განმავლობაში, უნაღდო ანგარიშსწორებით, საქართველოს ეროვნულ ვალუტაში - ლარში.

მუხლი VIII. ხარჯთაღრიცხვა / ფასების ცხრილი

№	შესყიდვის ობიექტი	მომსახურების (ტალონების) საორიენტაციო რაოდენობა	ერთეულის ფასი ლარი	საერთო ფასი ლარი
1	2	3	4	5
1	დაბალი გამავლობის (ე.წ. სედანის ტიპის) ავტომობილის რეცხვის მომსახურება	50 ცალი		
2	მაღალი გამავლობის (ე.წ. ჯიპის და პიკაპის ტიპის) ავტომობილის რეცხვის მომსახურება	500 ცალი		
3	მაღალი გამავლობის (ე.წ. ჯიპის და პიკაპის ტიპის) ავტომობილის ქიმიური წმენდის მომსახურება	3 ცალი		

სულ ჯამური ღირებულება _____ ლარი დღგ-ს ჩათვლით.

- შემსყიდველი არ არის ვალდებული შეისყიდოს წინამდებარე ტექნიკური დავალებით გათვალისწინებული მომსახურების სრული მოცულობა;
- შემსყიდველის მოთხოვნის შემთხვევაში, ხელშეკრულების საორიენტაციო ღირებულების ფარგლებში შეიცვლება ავტომობილების რეცხვის ან/და ქიმიური წმენდის მომსახურებების რაოდენობები.

(თანამდებობა)

(ხელმოწერა)

(გვარი, სახელი)

შენიშვნა:

- ხარჯთაღრიცხვა/ფასების ცხრილის მე-4 გრაფაში პრეტენდენტმა უნდა მიუთითოს შემოთავაზებული მომსახურების ერთეულის ფასი, ხოლო მე-5 გრაფაში ჯამური ფასი. აღნიშნული ცხრილის 1, მე-2 და მე-3 გრაფები რჩება უცვლელი.
- ფასი მითითებული უნდა იყოს ლარში და მოიცავდეს მომსახურების გაწევასთან დაკავშირებულ ყველა ხარჯს და საქართველოს კანონმდებლობით გათვალისწინებულ ყველა გადასახდელს და გადასახადს.
- შემსყიდველი იტოვებს უფლებას მოახდინოს პრეტენდენტის დისკვალიფიკაცია, თუ მის მიერ წარმოდგენილი ინფორმაცია არ შეიცავს ხარჯთაღრიცხვა/ფასების ცხრილით გათვალისწინებულ სავალდებულო მონაცემებს.
- წინამდებარე ხარჯთაღრიცხვა/ფასების ცხრილი ხელმოწერილი უნდა იყოს უფლებამოსილი პირის მიერ.

მუხლი IX. მომსახურების გაწევისათვის განსაზღვრული სერვისცენტრების ჩამონათვალი

№	სერვისცენტრის მისამართი	კუთვნილება საკუთარი/დროებით სარგებლობაში	დროებით სარგებლობაში არსებობის შემთხვევაში მიეთითოს ვისგან (დასახელება და საიდენტიფიკაციო მონაცემები)
1	2	4	5
1			
2			
3			
.			
.			
.			
.			
.			
.			
n			

(თანამდებობა)

(ხელმოწერა)

(გვარი, სახელი)

შენიშვნა:

- წინამდებარე ცხრილი პრეტენდენტმა უნდა შევასოს სატენდერო დოკუმენტაციის „III მუხლი“-ს მოთხოვნების გათვალისწინებით;
 - მე-2 გრაფაში პრეტენდენტმა უნდა მიუთითოს შემოთავაზებული მომსახურების გასაწევად განსაზღვრული სერვისცენტრების მისამართები;
 - მე-3 გრაფაში პრეტენდენტი აფიქსირებს შესაბამისი სერვისცენტრის კუთვნილებას: „საკუთარი“ ან „დროებით სარგებლობაში“, კერძოდ სერვისცენტრი უნდა წარმოადგენდეს პრეტენდენტის ან მისი სუბკონტრაქტორის (ასეთის არსებობის შემთხვევაში) საკუთარებას ან აღებული უნდა ჰქონდეს დროებითი სარგებლობის უფლებით (ქირავნობა, იჯარა ან სხვა); ამასთან დროებითი სარგებლობის უფლების ხანგრძლივობა უნდა იყოს არანაკლებ არანაკლებ 2015 წლის 1 ივნისამდე, რაც უნდა დასტურდებოდეს სატენდერო დოკუმენტაციის 4.4 პუნქტით მოთხოვნილი დოკუმენტების წარმოდგენით.
 - დროებითი სარგებლობის არსებობის შემთხვევაში მე-4 გრაფაში პრეტენდენტი აფიქსირებს თუ ვისგან აქვს აღებული დროებით სარგებლობაში შესაბამისი სერვის ცენტრი (დასახელება, საიდენტიფიკაციო მონაცემები).
- წინამდებარე ცხრილი (მომსახურების გაწევისათვის განსაზღვრული სერვისცენტრების ჩამონათვალი) ხელმოწერილი უნდა იყოს უფლებამოსილი პირის მიერ.

მუხლი X. დამატებითი ინფორმაცია

10.1 გამარჯვებულ პრეტენდენტთან ხელშეკრულება სახელმწიფო შესყიდვების შესახებ გაფორმდება ეროვნულ ვალუტა - ლარში.

10.2 სახელმწიფო შესყიდვების ერთიან ელექტრონულ სისტემაში სატენდერო წინადადების (ტექნიკური დოკუმენტაციისა და სატენდერო წინადადების ფასი) წარდგენით პრეტენდენტი ავტომატურად გამოხატავს თანხმობას შეასრულოს სატენდერო განცხადებითა და სატენდერო დოკუმენტაციით განსაზღვრული მოთხოვნები.

10.3 საკვალიფიკაციო მონაცემების დამადასტურებელი დოკუმენტები არ მოითხოვება.

10.4 „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ თანახმად, სატენდერო წინადადება ძალაშია მისი სისტემაში ატვირთვის მომენტიდან და მოქმედებს აღნიშნული წესის მე-10 მუხლის პირველი პუნქტით გათვალისწინებული რომელიმე ეტაპის დადგომამდე.

10.5 ტენდერში გამოყენებული იქნება სატენდერო წინადადების უზრუნველყოფის გარანტია (ელექტრონული გარანტია) სატენდერო განცხადებაში მითითებული სავარაუდო ღირებულების **1%-ის** ოდენობით, რომლის მოქმედების ვადა განისაზღვრება არანაკლებ 120 კალენდარული დღით, ტენდერისათვის სტატუსის – „წინადადების მიღება დაწყებულია“ მინიჭების ეტაპიდან.

10.6 პრეტენდენტს არა აქვს უფლება წარმოადგინოს ალტერნატიული წინადადება.

VI. სახელმწიფო შესყიდვის შესახებ ხელშეკრულების პროექტი.

(ხელშეკრულების პირობები დაზუსტდება გამარჯვებულ პრეტენდენტთან ხელშეკრულების გაფორმების პროცესში)

ერთის მხრივ შპს „მარაბდა-კარწახის რკინიგზა“ (შემდგომში – შემსყიდველი), წარმოდგენილი მისი დირექტორის _____ სახით და
მეორეს მხრივ, „_____“ (შემდგომში – მიმწოდებელი), წარმოდგენილი მისი დირექტორის _____ სახით,

პრეამბულა

1. ხელშეკრულების საგანი და შესყიდვის ობიექტი

1.1 ხელშეკრულების საგანია შემსყიდველის საკუთრებაში ან სარგებლობაში არსებული დაბალი და მაღალი გამავლობის ავტომანქანების რეცხვის და ქიმიური წმენდის მომსახურების (შემდგომში – „მომსახურება“) შესყიდვა ტალონური სისტემის საშუალებით, წინამდებარე ხელშეკრულებით, ხარჯთაღრიცხვით/ფასების ცხრილით (დანართი №___) და ტექნიკური დავალებით (დანართი №___) განსაზღვრული პირობების შესაბამისად (CPV კოდი 50112300).

1.2 შესყიდვის ობიექტია მიმწოდებლის მიერ შემსყიდველისათვის გადაცემული ტალონების საფუძველზე:

1.2.1 დაბალი გამავლობის (ე.წ. სედანის ტიპის) ავტომობილის რეცხვის მომსახურება, საორიენტაციო რაოდენობა - 50-ჯერ.

1.2.2 მაღალი გამავლობის (ე.წ. ჯიპის და პიკაპის ტიპის) ავტომობილის რეცხვის მომსახურება, საორიენტაციო რაოდენობა - 500-ჯერ.

1.2.3 მაღალი გამავლობის (ე.წ. ჯიპის და პიკაპის ტიპის) ავტომობილის ქიმიური წმენდის მომსახურება, საორიენტაციო რაოდენობა - 3-ჯერ.

2. ხელშეკრულების ღირებულება

2.1 ხელშეკრულების საორიენტაციო ღირებულება შეადგენს არაუმეტეს _____ (_____) ლარს, რომელიც მოიცავს საქართველოს კანონმდებლობით გათვალისწინებულ ყველა გადასახდელს და გადასახადს.

2.2 წინამდებარე ხელშეკრულების პირველი მუხლის 1.2 პუნქტში აღნიშნული მომსახურების ღირებულებები, განსაზღვრულია ხელშეკრულების №___ დანართით (ხარჯთაღრიცხვა/ფასების ცხრილი).

2.3 მხარეები თანხმდებიან, რომ ამ მუხლის 2.1 პუნქტში აღნიშნული სახელშეკრულებო ღირებულებისა და ხელშეკრულების №___ დანართით (ხარჯთაღრიცხვა/ფასების ცხრილი) განსაზღვრული მომსახურების ღირებულებების გაზრდა დაუშვებელია.

2.4 მიმწოდებელი პასუხისმგებელია საქართველოს კანონმდებლობით დადგენილი გადასახადების გადახდაზე.

3. მომსახურების ხარისხი და გარანტია

3.1 მიმწოდებელი პასუხისმგებელია მის მიერ გაწეული მომსახურების ხარისხზე.

3.2 მიმწოდებელი იღებს ვალდებულებას, რომ მის მიერ გაწეული მომსახურება სრულად უნდა შეესაბამებოდეს წინამდებარე ხელშეკრულებისა და ტექნიკური დავალების (დანართი №___) მოთხოვნებს.

3.3 მომსახურების გაწევის დროს ავტომობილის დაზიანების შემთხვევაში, მიმწოდებელი ვალდებულია სრულად აუნაზღაუროს შემსყიდველს მისი შეკეთების ხარჯები.

4. მომსახურების გაწევის ვადა და ადგილი

4.1 ხელშეკრულებით გათვალისწინებული მომსახურების მისაღებისათვის საჭირო ტალონებს მიმწოდებელი შემსყიდველს გადასცემს ხელშეკრულების გაფორმებიდან არაუგვიანეს 2014 წლის 31 დეკემბრის ჩათვლით, შემსყიდველის მოთხოვნის შესაბამისად ერთიანად ან ეტაპობრივად.

4.2 მიმწოდებელმა მოთხოვნილი ტალონები შემსყიდველს უნდა გადასცეს მოთხოვნიდან არაუგვიანეს 10 კალენდარული დღის განმავლობაში.

4.3 შემსყიდველისათვის გადაცემული, წინამდებარე ხელშეკრულებით გათვალისწინებული მომსახურებების მიღებისათვის საჭირო ყველა ტალონი მოქმედებს უვადოდ (ტალონების მოქმედების ვადა არ არის დამოკიდებული მიმწოდებელსა და შემსყიდველს შორის გაფორმებული წინამდებარე ხელშეკრულების მოქმედების ვადაზე).

4.4 მომსახურების გაწევის ადგილი განსაზღვრულია №___ დანართით (მომსახურების გაწევისათვის განსაზღვრული სერვისცენტრების ჩამონათვალი), აღნიშნული დანართი წარმოადგენს ხელშეკრულების განუყოფელ ნაწილს.

4.5 წინამდებარე ხელშეკრულების დანართ №___-ში ნებისმიერი ცვლილების შეტანა, წარმოადგენს შემსყიდველსა და მიმწოდებელს შორის ორმხრივი შეთანხმების საკითხს და ასეთი ცვლილების არსებობის შემთხვევაში იგი უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად. გარდა ამისა დანართ №___-ში შესაძლებელია შევიდეს ისეთი ცვლილება, როგორიცაა სერვისცენტრის შეცვლა ან ჩანაცვლება სხვა სერვისცენტრით ისე, რომ არ დაირღვევს ტექნიკური დავალების (დანართი №___) მე-6, მე-7 და მე-8 პუნქტების მოთხოვნები.

5. მიღება-ჩაბარების წესი

5.1 შემსყიდველის მოთხოვნიდან არა უმეტეს 10 კალენდარული დღის ვადაში მიმწოდებელი მიღება-ჩაბარების აქტით გადასცემს შემსყიდველს მის მიერ მოთხოვნილი ოდენობისა და სახეობის ტალონებს.

5.2 წინამდებარე ხელშეკრულების ინტერესებიდან გამომდინარე, ავტომანქანის რეცხვის ან ქიმიური წმენდის ტალონი – ეს არის მიმწოდებლის მიერ დაბეჭდილი ბარათი, რომელიც განკუთვნილია შემსყიდველისათვის და ადასტურებს მის უფლებას შესაბამის სერვისცენტრში მიიღოს ავტომანქანის რეცხვის ან ქიმიური წმენდის მომსახურება. ყოველ ტალონზე აღნიშნული უნდა იყოს:

- ტალონის ნომერი;
- ავტომანქანის ტიპის განმასხვავებელი ნიშანი.
- მიმწოდებლის საიდენტიფიკაციო მონაცემი _____;
- ტალონის (მომსახურების) სახეობა (რეცხვა ან ქიმიური წმენდა).

5.3 შემსყიდველისათვის გადაცემული ტალონები გააქტიურდება და მათი გამოყენება შესაძლებელი იქნება მხარეთა შორის ტალონების გადაცემის თაობაზე მიღება-ჩაბარების აქტის გაფორმებიდან 1 (ერთი) საათის გასვლის შემდეგ. ტალონების დაკარგვის შემთხვევაში, თუკი შემსყიდველი გონივრულ ვადაში სამუშაო საათებში აცნობებს მიმწოდებელს დაკარგვის შესახებ წერილობით და მოუთითებს დაკარგული ტალონების ნომრებს, მიმწოდებელი უზრუნველყოფს აღნიშნული ტალონების დაბლოკვას, მათი შემდგომი გამოყენების თავიდან აცილების მიზნით. ტალონით მომსახურება განხორციელდება ნებისმიერ მის წარმომდგენ პირზე.

5.4 წინამდებარე ხელშეკრულების მოქმედების პერიოდში, ამავე ხელშეკრულების 5.1 პუნქტით გათვალისწინებული ტალონების მიღება-ჩაბარების აქტ(ებ)ს აფორმებენ მხარეთა უფლებამოსილი წარმომადგენლები.

6. ანგარიშსწორება

6.1 ანაზღაურებას ექვემდებარება მხოლოდ მიმწოდებლის მიერ შემსყიდველისათვის ფაქტიურად გადაცემული ტალონების ღირებულება.

6.2 ანგარიშსწორების საფუძველს წარმოადგენს: მიმწოდებლის მიერ შემსყიდველისათვის ფაქტიურად გადაცემულ ტალონებზე მხარეთა მიერ გაფორმებული მიღება-ჩაბარების აქტ(ებ)ი და მიმწოდებლის მიერ შემსყიდველისათვის წარდგენილი საგადასახადო ანგარიშ-ფაქტურა(ები) (იმ შემთხვევაში, თუ მიმწოდებელი დღგ-ს გადამხდელია);

6.3 ანგარიშსწორება განხორციელდება მიმწოდებლის მიერ ამ მუხლის 6.2 პუნქტით გათვალისწინებული დოკუმენტების შემსყიდველისათვის წარდგენიდან 10 (ათი) საბანკო დღის განმავლობაში, უნაღდო ანგარიშსწორებით, საქართველოს ეროვნულ ვალუტაში - ლარში.

7. მხარეთა უფლება-მოვალეობანი

7.1 **შემსყიდველს უფლება აქვს:**

- 7.1.1 მომსახურების გაწევის პარალელურად, ნებისმიერ დროს მოახდინოს მომსახურების შემოწმება, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან;
- 7.1.2 არ შეისყიდოს წინამდებარე ხელშეკრულებით გათვალისწინებული მომსახურების სრული მოცულობა;
- 7.1.3 მოსთხოვოს მიმწოდებელს ხელშეკრულების ჯეროვანი, დროული და კეთილსინდისიერი შესრულება;
- 7.1.4 დაასწროს თავისი წარმომადგენელი (მძღოლი) ავტომანქანის რეცხვის პროცესს.

7.2 **შემსყიდველი ვალდებულია:**

- 7.2.1 მოახდინოს ანგარიშსწორება მიმწოდებელთან წინამდებარე ხელშეკრულებით განსაზღვრული პირობების შესაბამისად;
- 7.2.2 გონივრულ ვადაში აცნობოს მიმწოდებელს მომსახურების გაწევის დროს აღმოჩენილი რაიმე წუნის შესახებ;
- 7.2.3 დაიცვას ხელშეკრულებით გათვალისწინებული ყველა პირობება.

7.3 **მიმწოდებელს უფლება აქვს:**

- 7.3.1 მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებული პირობების შესაბამისად;
- 7.3.2 მოითხოვოს შემსყიდველისაგან ხელშეკრულების პირობების დაცვა.

7.4 **მიმწოდებელი ვალდებულია:**

- 7.4.1 სერვისცენტრში რეცხვის ან ქიმიური წმენდი ტალონების წარმოდგენისთანავე დაუყონებლივ გაუწიოს ტალონის წარმომდგენ პირს ტალონში აღნიშნული მომსახურება წინამდებარე ხელშეკრულების და ტექნიკური დავალების (დანართი №___) შესაბამისად;
- 7.4.2 შემსყიდველის მოთხოვნის შემთხვევაში, ხელშეკრულების საორიენტაციო ღირებულების ფარგლებში შეცვალოს ავტომობილების რეცხვის ან/და ქიმიური წმენდის მომსახურებების რაოდენობები;
- 7.4.3 დაიცვას ხელშეკრულებით გათვალისწინებული ყველა პირობა.

8. მხარეთა პასუხისმგებლობა ხელშეკრულების დარღვევისას

- 8.1 მიმწოდებლის მიერ წინამდებარე ხელშეკრულებით გათვალისწინებული ვალდებულებების შეუსრულებლობის ან/და არაჯეროვნად შესრულების შემთხვევაში, „შემსყიდველი“ უფლებამოსილია მოსთხოვოს მიმწოდებელს პირგასამტეხლოს გადახდა სახელშეკრულებო ღირებულების 0,1%-ის ოდენობით ყოველ ვადაგადაცილებულ დღეზე.
- 8.2 პირგასამტეხლოს გადახდა არ ათავისუფლებს მიმწოდებელს მომსახურების მიწოდების ვალდებულებისაგან.
- 8.3 ამ მუხლით გათვალისწინებული პირგასამტეხლობის გადახდა შესაძლებელია განხორციელდეს მიმწოდებლისათვის ასანაზღაურებელი მომსახურების ღირებულებიდან შესაბამისი თანხის გამოქვითვის საშუალებით.

9. ხელშეკრულების მოქმედების ვადა

- 9.1 ხელშეკრულება ძალაში შედის ხელმოწერისთანავე და მოქმედებს **2015 წლის 1 ივნისამდე**.
- 9.2 მე-9 მუხლის 9.1 პუნქტში მითითებული ხელშეკრულების მოქმედების ვადა არ ვრცელდება წინამდებარე ხელშეკრულების მე-3 მუხლით, 4.3 და 7.4.1 პუნქტებით გათვალისწინებულ პირობებზე.

10. ფორს-მაჟორი

- 11.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა, ან დარღვევა და არ გამოიწვევს საჯარიმო სანქციების გამოყენებას.
- 11.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის და/ან მიმწოდებლის შეცდომებსა და დაუდევრობასთან, რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით ან ემბარგოს დაწესებით და სხვა.
- 11.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ, ფორს-მაჟორის არსებობის თაობაზე სახელმწიფოს შესაბამისი უფლებამოსილი ორგანოს დამადასტურებელი ცნობის (წერილის) თანდართვით, თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობების მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული გზები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.
- 11.4 ფორს-მაჟორულ გარემოებად არ ჩაითვლება ისეთი მოვლენები, რომელთა მოსალოდნელი დადგომის შესახებ წინამდებარე ხელშეკრულების შესაბამისი მხარისთვის, წინასწარ იყო ცნობილი და/ან წინამდებარე ხელშეკრულების გაფორმების დროისათვის ცნობილი უნდა ყოფილიყო.

11. ხელშეკრულების პირობების გადასინჯვის შესაძლებლობა

- 11.1 ხელშეკრულების დამდებ არც ერთ მხარეს არ აქვს უფლება ცალმხრივად შეცვალოს ხელშეკრულების პირობები.
- 11.2 თუ წინასწარ გაუთვალისწინებელი მიზეზების გამო წარმოიშვება ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 11.3 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

12. დავები და მათი გადაწყვეტის წესი

- 12.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა პირდაპირი მოლაპარაკებების მეშვეობით მოაგვარონ ნებისმიერი დავა და უთანხმოება წარმოქმნილი ხელშეკრულების ან მასთან დაკავშირებული საკითხების ირგვლივ.
- 12.2 თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შესძლებენ სადავო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს

13. უფლებების გადაცემა

- 13.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.
- 13.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

14. ხელშეკრულების შესრულების შეფერხება

14.1 თუ ხელშეკრულების შესრულების პროცესში მხარეები წააწყდებიან რაიმე ხელშეშლელ გარემოებებს, რომელთა გამო ფერხდება ხელშეკრულების პირობების შესრულება, შესაბამისმა მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე ვადაში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

15. ხელშეკრულების შეწყვეტა

15.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან/და არაჯეროვნად შესრულების შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

15.2 ხელშეკრულების დამდები მხარე, რომელიც მიიღებს ასეთ გადაწყვეტილებას, ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს გადაწყვეტილების ძალაში შესვლამდე მინიმუმ 3 (სამი) კალენდარული დღით ადრე.

15.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

15.4 ხელშეკრულების შეწყვეტა პირობების დარღვევის გამო არ ათავისუფლებს მხარეებს ხელშეკრულების შეუსრულებლობისათვის გათვალისწინებული პასუხისმგებლობისაგან.

15.5 შემსყიდველი უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, თუ მისთვის ცნობილი გახდა, რომ მიმწოდებლის მიერ წარმოდგენილი დოკუმენტაცია ან/და სხვა მონაცემები ყალბია.

16. ურთიერთობა ხელშეკრულების დამდებ მხარეებს შორის

16.1 ნებისმიერი ოფიციალური ურთიერთობა ხელშეკრულების დამდებ მხარეებს შორის ხორციელდება წერილობით ფორმას. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელექტრონული ფოსტის, ტელექსის ან ფაქსის საშუალებით, იმ პირობით, რომ შეტყობინების ორიგინალი შემდგომში წარედგინება მეორე მხარეს ან გაეგზავნება ხელშეკრულებაში მითითებულ იურიდიულ მისამართზე საფოსტო გზავნილის მეშვეობით.

16.2 შეტყობინება ძალაში შედის ადრესატის მიერ მისი მიღების ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელიმე უფრო გვიან დგება.

17. დასკვნითი დებულებები

17.1 ხელშეკრულება შეიცავს — **მუხლს**, შედგენილია — **ფურცელზე** (დანართების ჩათვლით), 2 (ორი) თანაბარი იურიდიული ძალის მქონე ეგზემპლარად. ხელშეკრულების თითოეულ ეგზემპლარს გადაეცემა მხარეებს.

17.2 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ

18. მხარეთა რეკვიზიტები და ხელმოწერები

შემსყიდველი:

მიმწოდებელი:

შპს „მარაბდა-კარწახის რკინიგზა“

მის: ქ. თბილისი, დ. აღმაშენებლის გამზირი, №150

ს.ს „აზერბაიჯანის საერთაშორისო ბანკი - საქართველო“

ა/ა GE31 AZ00 3450 0000005101

ბ/კოდი IBAZGE22

ს/კოდი: 204522436

დირექტორი

დირექტორი

მუხლი XII. აფიდავიტი

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ცალბედი ან/და ცრუ;

* უფლებამოსილი ვარ პრეტენდენტის მიერ, ხელი მოვაწერო ამ აფიდავიტს და წარვადგინო ეს სატენდერო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მინოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავეცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავიტი წარმოდგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერა, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.